

5.5324(47).

THE BLOOD OF CHRIST THE ONLY EFFECTUAL
CURE.

FUIL CHRIOSD,

AN AON

CHUNGAIDH LEIGHEIS EIFEACHDACH

AIRSON

COGAIS CHIONNTACH A GHLANADH.

'SE 'm peacadh briseadh lagha Dhe, I Eoin iii. 4. agus an uair a bheir sinn fa'near co an Ti a's e lagh air am bheil am peacadh 'na bhriseadh, 's eiginn gum bi e soilleir gur e am peacadh an t-olc is mo ; agus uime sin, is eigin gur e an ni a bheir air falbh e, am bean-nachd a's mo. Dh' fhainnich na h-uile nithe a thaobh na criche so a fhreagar *ach fuil a chumhnanta shiorruidh*, Eabh. xiii. 20. 'Tha e gu cinnteach ro chionntach agus cunnartach agus diomhain duil a bhi re maitheanas 'nar peacaidh, d'ar cogaisibh cionntach, o ni sam bith elle, oir is e so an t-aon mheadhon a dh' ulluich agus a shonraich Dia chum na criche sin. Tha peacanna air an gairm *oibre marbha*, do bhri gu bheil iad a' toilltin *bais shiorruidh*, ni is e tuarasdail cinnteach a' pheacaidh, Gal. iii. 10. Esec. xviii. 20. Rom. vi. 23. 'Se tha sinn gu thuigsinn leis a' chogais a bhi air a *glanadh o oibrigh marbha*, a chogais a bhi air a *glanadh o'n chionnta bha air a chruinneachadh* trid cur an gnìomh a pheacaidh, ionnas gu bheil neach a' faghail saorsa uaithe, le lan-mhaitheanas fhaotain. 'Sann a chum peacadh a thabhairt air falbh o na cionntaich a bha fuil Chrìosd air a dortadh, Mat.

xxvi. 28. Eabh. xi. 26. 1 Eoin iii. 4, 5. Gal. iii. 13. 'Si so a' chungaidh leighis uile fhoghainteach, a dh'ullaich Dia d'a dheagh thoil, agus do reir saibreas a threacair; agus tha i gu cinnteach eifeachdach do thaobh morachd na pearsa, neach a ta neo-chriochnach ann an luach, agus air an aobhar sin, tha 'iobairt neo-chriochnach do thaobh eifeachd. 'Se Mac Dhe e, Dia air fhoillseachadh 'san fheoil, Eoin xx. 31. 1 Tim. iii. 16. Mar sin bheir fhuil a tha luachmhor oscionn cainnte, gu brath air falbh gach uile pheacadh, 1 Phead. i. 19. Eabh. viii. 12.

Fhuair an fhuil so maithneas iomlan airson sluaigh mhoir nach 'eil neach sam bith comasach air aireamh, do na h-uile chinneachaibh agus threubhaibh, agus shluaghaibh, agus theangaibh, Taisb. vii. 9—14. Chaidh a dortadh air son an dream sin a tha (do thaobh naduir) fuidh chumhachd Shatain, Griomh xxv. 18. airson nan daoine cailte, Luc. xix. 10. Air an sonsan a bha guu neart, gu urnaigh, gu Dia a ghradhadh, no gu ni sam bith a dheanamh; airson nan aingidh, airson nan daoine neo-dhiadhaidh, Rom. v. 6. airson cinn-fheadhna nam peacach, 1 Tim. i. 15. Seadh airson naimhdean Dhia fein, Rom. v. 10.

'Se n t-ughdarras a thug an Tighearn Iosa Criosd fein d'a Abstoil an deigh aiseirigh o na marbhaidh, iad a shearmonachadh an sgeil aoibhinn so—Rachaibh (ars' esan) air feadh an t-saoghail uile, agus searmonaichibh an soisgeul do gach creutair; ge b'e chreideas agus a bhaistear saorar e ach ge b'e nach creid ditear e, Marc. xvi. 15, 16.

Do reir so chuir iad an ceill, sith trid fhola, a 'deanamh cinnteach na h-uile a chuala iad, trid ainmsan, ge b'e chreideas annsan gu'm faigh e maithneas peacaidh, Gniomh x. 36, 42, 43. xiii. 38, 39. Nam bu chomasach sinn air fheoraich do gach seorsa pheacach a chaidh a shabhaladh, agus a tha nis air neamh, cionnus a thainig iad an sin? theireadh iad gu 'n robh an t-iomlan d'an slainnte trid fola an Uain. Cionnas a thainig muinntir aingidh, mar tha na daoine

sanntach, luchd foireigne, am brèugaire, luchd mhionn, luchd neo-ghloine, luchd geur-leanmhuinn, an gaduiche, agus am misgfhear, gu bhi air an gabhail steach do 'n aite naomha sin, gu bhi an lathair Ie. hobha a ta gu h-iomlan glan? Mholadh iad saibhreas saor-ghrais trid na h-iobairt-reitich, agus theireadh iad—Ghradhiaich Iosa sinn, agus nigh e siun o ar peacaidh 'na fhuil fein, 'Taisb. i. 5. Mharbhadh e, agus shaor e sinn do Dhia le fhuil fein, 'Taisb. v. 9. Bha ar trusgain air an nigheadh, agus air an deanamh geal ann am fuil an Uain, 'Taisb. vii. 14.

'Se teagasg nan Abstol—*Is fìor an radh so, agus is fìu e air gach aon chor gabhail ris, gu'n d' thainig Iosa Crìosd do'n t-saoghal: a thearnadh pheacach,* 1 Tim. i. 15. Feudaidh sinn uime siu a cho-dhunadh gu ceart uach feudar le neach ach muinntir do'n t-seorsa so co' pairteachadh do'n t-soarsa a dh'oibrich-eadh le Chrìosd. Agus feudaidh siun a cho-dhunadh gu bheil an soisgeul air a chur an ceill do'n pheacach, agus do'n duine neo-dhiadhaidh mar a tha e, agus gu bheil beannachdan an t-soisgeil r'an sealbhachadh gun airgiod agus gun luach. Peacach sam bith, ge b'e neach leis an aill, gabhadh e uisge na beatha gu soar, Isa. lv. 1. 'Taisb. xxii. 17. Oir is tobar e air fhosgladh gu peacadh agus neo ghloine ghlanadh air falbh, Sech. xiii. 1. 'Se so caoimhneas caomh Dhaibhidh, a' sruthadh o shaibhreas do-rannsachaidh a' ghrais, agus so gu h iomlan co-fhreagarrach r'a cheartas, agus ri uile bhudhan an Uile chumhachdaich, Tit. iii. 4. Eph. i. 7. Rom. iii. 26. Luc. ii. 14..

Ach feudaidh e bhith gu'n abair am peacach; tha mi tabhairt fainear an Scriobtuir ag radh, gu'n robh fuil Chrìosd air a dortadh air son peacaich a thearnadh, ach cionnas a tha mise re thuigsin am buin a bhuan-nachd so dhomhsa?

Ma chreideas tu, feudaidh tu bhi cinnteach as, 's leatsa e co cinnteach 'sa tha'n teachdaireachd o neamh-fìor; oir tha focal an Tighearna 'gar deanamh cinnteach, gur ann trid creidimh a tha slainte, a chum gu:

biodh e tre ghras, ionnas gu'm biodh an gealladh dain-
gean do na h-uile a' chreideas, Eoin iii. 14, 15, 16,
36. Rom. iv 16.

—A chreideas, ciod? A chreideas an da ni so,

1. Gu'n d' thug Dia d'a mhor ghradh a Mhac gu
bas fhulang airson pheacach, agus mar sin gu bhi 'na
Shlanuighear iomlan, agus gu'n d'rinn e gach ni a bha
Dia ag iarraidh, agus a tha feumail do'n anam; agus
gur e Iosa o Nasaret an Crìosd, Mac Dhe. Mar
dhearbadh air na firinnibh so, bheireamaid fainear a
mhiorbhuilean, an guth o neamh, a bhriathra fein air
a chrann, aiseirigh o na marbhaibh, arduchadh gu
deas laimh Dhe, agus a thoradh so, dortadh a nuas an
spioraid Naoimh. Eoin xx. 31. 1 Eoin iv. 14, 15.
Rom. x. 4, 6.; gu 12. Eoin x. 25. Mat. xvii. 5.
Eoin XIX. 37. xvii. 4. Gnìomh ii. 32, 33. 1 Phead.
i. 3 21. Rom. i. 4.

Agus anns an dara aite, A chreideas gu bheil na
rinn Crìosd gu h-iomlan saor airson na muinntir a tha
gun neart, neo-dhiadhaidh, agus gun ni sam bith chum
an deanamh taitneach do Dhia, Rom. iv. 5. v. 8.

An uair a tha na nithe sin air an tuigsinn, tha saorsa
air a mealltuinn, ciod sam bith staid'sam bheil neach ga
fhaotain fein. 'Sann an sin a tha chogais air a glanadh
trid na h-iobairt-reitich, no fuil Chrìosd, Rom. v. 1.

Far nach'eil saorsa, an sin tha failinn eigin ann au
tuigsin, agus ann an creidsin na firinne so, (1.) An
dara cuid tha iad fuidh amharus nach 'eil gu leor
deanta freagarach do staid a pheacaich ni 's e an
t-aon ni as gun a chreidsin gur e Iosa an Crìosd; no,
san dara aite, 'Tha iad fuidh amharus nach' eil e saor,
ni 's e mi-chreideas a thoirt do'n t-soisgeul, oir a ta
sin *a ris* agus *a ris* g'ar deanamh cinnteach, *gu'm bheil*
e saor do gach neach a chreideas, 'Tha chuis soilleir,
ma rinn Crìosd an *t-iomlan* do na bha Dia ag iarraidh,
agus air am bheil feum aig an anam; agus ma tha e
air a chur an ceill o Rìgh neimh gu'm bheil e *iomlan*
saor, mur 'eil saorsa agam trid so, 'seigin gur
ann do bhrìgh 's nach 'eil mi 'ga chreidsin; ni a tha

sruthadh o bhi aineolach a thaobh firinne an ni a tha air a chur an ceill, oir gach ni a tha mi tuigsinn a bhi fìor, cha'n urradh mi gun a chreidsin. Mar sin, 'se obair Spioraid De neach a theagasg gus na nithe sin a thuigsin a thugadh dhuinn gu saur o Dhia, 1 Cor. ii. 12.

Mar eisempleir an robh thu ciontach ann an strìopachas, gaduidheachdh, misg, no ni graineil sam bith eile? Ma tha thu a' tuigsin an t-soisgeil, 's eiginn gu bheil thu creidsin gu'm bheil an deagh sgeul a tha ann fregarrach do d' staid, 1 Cor. v. 9, 10, 11.

Am bu chealgair thu ag aidmheil diadhachd? Tha e fregarrach do d' staid. Am bheil thu aun an staid mharbh, agus neo-phrìothaiteach ann ad inutin, ionnas nach urradh thu Dia a ghradhachadh, no ni sam bith a dheanamh gu ceart? Tha'n Soisgeul ro fhreagarach do neach ann ad staidsa. Am bheil naimhdeas ann ad chridhe an aghaidh Dhe agus a shligheanna? Thoir fanear, gun robh fuil luachmhor Chrìosd air a dortadh airson naimhdean. Ann am beagan fhocal, mur urradh dhuit ni sam bith a thabhairt leat an lathair an Tighearna, gu thu fein a dheanamh taitneach, no airidh air deagh-ghèan Iehobhah, tha e fathast fregarrach do d' staid, oir tha e *iomlan saor*.

An uair a tha Spiorad Dhia a' teagasg neach sam bith gubhi tuigsin teachdaireachd shoilleir an t-soisgeil mu thiomchioll iobairt-reitich agus aiseirigh Chrìosd, an sin tha saorsa air a mealtuin, an sin tha chogais air a glanadh gun dail; an sin sguiridh am peacach do bhi ag amharc airson steigh-dhochais ann fein, oir tha e faicinn Iehobhah toilichte le iobairt a dheaghghin Mhic 'na riochdsan. Tha so a' tabhairt air aghaidh gradh do Dhia, agus do'n Tighearn Iosa Chrìosd airson a shlainte mhoir, agus airson ro-mheud a chaoimhneis agus a ghraidh iongantach air a nochdadh anns an t-slainte sin; 'se 'ni a leuas gu cinnteach uime sin, seirbhis a dheanamh do'n Dia bheo. Tha'n t-seirbhis so calg-dhireach an aghaidh seirbhis a pheacaidh, aoradh Mhammoin, agus cairdeis an

t-saoghail so, 2 Cor. v. 14, 15. Rom. vi. Mat. vi. 24. Seum iv. 4.

An uair a tha cogais duine sam bith air a glanadh o oibribh marbha, tha e air a ghairm gu seirbhis a dheanamh do'n Fhearshaoraidh, agus tha e air innseadh dha 'na fhocal na th'aige re dheanamh leis; agus the e anns an am cheudna gu bhi air a bhrosnachadh gu eud diadhaidh anns an t-seirbhis le gealladh Chrìosd, eadhon far am bheil e fein, gu'm bi a sheirbhiseach an uine ghearr, agus seilbhichidh e a ghloir sin uile ann an onoir, agus ann an neo-bhasmhoireachd a tha aig deas-laimh Dhia gu brath. Eoin xii. 26. Taisb. xxi. 4. 23.

Ach (a deir neach eigin) cha'n'eil mise a mothachadh graidh do Dhia agus d'a phobull, agus as eugmhais sin, cionnas a dh' fheudas mi duil a bhi agam re saorsa o fhuil Chrìosd, oir far nach eil gradh, cha'n'eil eifeachd ann an ni sam bith?

Bha fuil Chrìosd air a dortadh airson nan daoine neo-dhiadhaidh, agus uime sin, cha'n'eil ar gradh-ne do Dhia air aon doigh a' co'-oibreachadh ann a bhi faotainn duinn maitheanas peacaidh. Agus air do iarrtus lagha naomha Dhe a bhi air fhilleadh anns an cheud thoiseachadh sin gradh, Mat. xxii. 37—40. nam biodh ar gradh-ne do Dhia roimh fhìreanachadh, agus mar sin feumail a chum ar fireanachadh, an sin dh'fheudadh briathra an Abstoil a bhi air an cur an neo brìgh, far am bheil e ag radh *Cha bhi feoil air bith air a fireanachadh 'na fhianuis-san tre oibribh an lagha: oir is ann tre an lagh a ta eolas peacaidh,* Rom. iii. 20. 28. Ach bha fuil Chrìosd air a dortadh a chum a' chogais a ghlanadh o'n chionnta mhor so, eadhon o fhuath do Dhia neach a ta ann tomhas neo chriochnach airidh air ar gradh as mo. Fhuair e dhuinn maitheanas airson a pheacaidh sin mar an ceudna, agus an urradh mi gun ghradh a thabhairt da san a ghlanas mi o'n chionnta sin, eadhon o bhi falamh do gradh?

An uair a tha so air a thuigsinn, fadaidh e ann ad'

chridhe gradh do Dhia agus d'a phobull, mu'n robh thu roimhe aineolach, agus bheir e air aghaidh *aithreachas* fìor airson do pheacanna. Eoin v. 1. Sech. xii. 10.

Ciod a ni mi air a shonsan a nochd a leithid do ghradh iongantach agus do chaoimhneas? Tha mi 'nis a' faicinn far an do nheudaicheadh am peacadh, gur ro mho a mheudaicheadh gras, Rom. v. 20. Tha mi faicinn gu'm bheil an obair a chrìochnaich Crìosd freagarrach do'm fhìor staidsa, neo-dhiadhaidh agus cionntach mar a tha mi a nis annam fein; agus ma chuireas mi'n teagamh gu bheil an t-slaime saor, tha mi toirt mi-chreidas do shoisgeul Dhia. O gu ma beannichte gu robh Dia airson tiodhlac Mic a ghraidh! Chuidich e leamsa, peacach graineil, ann am staid iosail agus, chailte, Tha mi 'nis a' faicinn gu bheil an gras a dh' fhoillsicheadh anns an iobairt reitich uile-fhòghainteach air mo shon. Tha'n fhuil luachmhor so a' glanadh mo chogais o chionnta; *tha i'gam fhìreanachadh, tha i'gam shabhaladh*. Tha mi 'nis a' faicinn ann an Crìosd an ni bha roimhe duil agam fhaotainn annam fein. Tha fios agam co cionnteach 'sa tha focâl Dhia fìor, ge do rinneadh moran nam peacaich *trid cas-umhlach aon duine*. (eadhon Adhamh) *gidheadh trid umhlachd aon duine*, (Immanuel Iosa Crìosd) *gun deanar moran 'nam fhìrean-aibh*, Rom. v. 19. Tha mi lan-chinnteach gu bheil gach ni air am bheil feum aig m' anam re fhaotainn ann am Urras glormhor, agus gu bheil e uile saor.

'Si'n t-slaime mhor so mo mhuinghin agus m' earbsa uile, re aimsir mo chùairt. Theid mi air m' aghaidh ann an neart an Tighearna Dia, agus *ni mi luaidh air fhìreantachd, eadhon air fhìreantachd san amhain*, Salm lxxi. 16. (Gal. vi. 14.) Feoraicham cionnas a glaiseas mi o so suas, ciod a ni mi chum esan a ghlorachadh, a rinn nithe co mor air mo shon-sa? 'Se dùrachd mo chridh bhi umhal.

Tog an crann-ceusaidh, Mat. xvi. 24. agus lean Crìosd, le bhi coimhead gach uile nithe a dh' aithn e,

Mat. xxviii. 19, 20. Eoin xv. 12—14. Imich a mach d'a ionnsuidhsan an taobh a muigh do'n champa, a'giulan a mhaslaidh-san, Eabh. xiii. 13. Bi a' sior-leanmhuin a chaoimhncis a nochdadh dhuitse, le bhi maitheadh do d' cho' pheacaich, Mat. xviii. 21. gu crìoch, Col. iii. 13. a' gradhachadh agus a' deanamh maith do d' naimhde, Luc. vi. 35. Ceangail thu fein ris na deisciobuil, agus buanaich gu seasbhach maille riu ann an teagasg nan Abstol, agus ann an co-chomunn, agus ann am briseadh arain, agus ann an urnaighibh, o'n am so mach do ghnath, Gniomh ii. 42.

Mar so, trid a bhi cumail gu daingeann creideamh Chrìosd mar t-ard Shagart a rinn reite eader t-anam agus Dia, agus a tha 'uis a' deanamh eader ghuidhe, 1 Eoin i. 7, 11. Eabh. vii. 24, 25. gu crìoch, agus o ghradh do Chrìosd, a' toirt fainear nan nithe so, mealaidh tu co' fhurtachd an Spioraid naoinh, Eoin xiv. 14, 15. ni thu do ghairm agus do thagha cinnteach, 2 Phead. i. 5, 12. agus bidh do dhearbhadh a' mendachadh, nach e t'aoibneas aoibhneas a chealgoir, agus gu'm bi do lochran air fhaotain a lasadh gu dealrach an uair a thig am fear nuadh-posda.

Leugh na Scriobtur a tha 'n so air an aimneachadh, gu ro-churamach, a' cuimhneachadh gu bheil an Scriobtur uile air a dheachdamh le Spiorad De, agus gu bheil e tarbhach a chum teagaisg, a chum oilean ann am fireantachd: a chum gu bi oglach Dhe coimhionta, lan-deas a chum gach uile dheadh obair.